

Ukrainische Sproch

Der Artikl is im Dialekt **Ostestareichisch** gschrim worn.

De **Ukrainische Sproch** (Obkiazung: ukr., Eignnaum: *українська (мова)/ukrajinska (mowa)*, wiss. Transliteration *ukrajins'ka mova*, friacha aa *Klaarusisch* und maunges moi aa Ruthenisch gnennd) is a Sproch aus da ostslawischn Untagrubbm vom slawischn Astl vo de indogermanischn Sprochn.

Is Ukrainische is noch'm Russischn und'n Poinischn de drittgrößte slawische Sproch. In da Ukraine, wo's de anziche Aumbstsproch is, wiad's vo 35 Mülleonan Leit ois Muadasproch gredt. Außadem gibt's duatn Leit, de wos kane ethnische Ukraina san, owa Ukrainisch ois zwoate Sproch redn.

Is Ukrainische wiad mid'n kyrillischn Alphabet gschriebm, wobei in da ukrainische Version a poa Buchstobm aundast san ois wia in da russischn.

Inhoitsvazeichnis

Gschicht

Alphabet

Wuatschotz und Aussproch

Grammatik

Literatua

Beleg

Im Netz

Ukrainisch (українська мова)	
Gredd in	<div><div><div><div></div><div>Ukraine</div></div><div><div></div><div>Russland</div></div><div><div></div><div>Kasachstan</div></div><div><div></div><div>Weißrussland</div></div><div><div></div><div>Kirgisistan</div></div><div><div></div><div>Usbekistan</div></div><div><div></div><div>Poin</div></div></div></div>
Sprecha	<div><div><div>45 Milliona (geschätzt)^[1]</div><div>Klassifikation=*</div><div>Indogermanische Sprochn</div><div><div><div>■</div><div>Slawische Sprochn</div><div>Ostslawische Sprochn</div></div></div></div></div>
Amtliche Status	
Amtssproch vo	<div><div><div><div></div><div>Ukraine</div></div><div><div></div><div>Transnistrien</div></div></div></div>
Sprochcodes	
ISO 639-1:	uk
ISO 639-2:	ukr
ISO 639-3:	ukr

Gschicht

vom Ukrainischn in de Gouvernements vom Russischn Reich noch da offziön Statistik vo 1897.

vom Ukrainischn in da Republik Ukraine noch da offziön Statistik vo 2001.

Is Ukrainische gheat zaumman mid n Russischn und in Weißrussischn zua ostslawischn Sprochgrubbm.

Da Naum „Rus“ fia de gaunze ostslawische Gegand hod friara oft an Ballawatsch brocht, weu ma „Rus“ oft mid „Russlaund“ gleichsetzt hod. Zweng dem san de Sprochbezeichnungen „Großrussisch“ fia's Russische und „Klaarrussisch“ fia's Ukrainische entstaundn. Duach des is es Ukrainische friacha oft ois Dialekt oda regionale Variantn vom Russischn gseng wuan.


Gaunz aum Aufaung (ziaka bis ins 14. Joarhundert) haum olle Ostslawn zsaumman an anziche Schriftsproch, is Oidostslawisch) ghobt. Spoda (ziaka vom 15. bis ins 18. Joarhundert) haum de Uaahnl'n vo de heitign Ukraina und Weißrussn midanaund is Ruthenische ois Schriftsproch gnumma.

Aum End vom 18. Joarhundert hod si nemb an Kiachnslawisch, des wos domois aa nu gemb hod, a Literatua und a ukrainische Schriftsproch entwicket, de wos aus da Voikssproch kumman is. Im 19. Joarhundert is de ukrainische Kuitua und duach des aa de ukrainische Literatuasproch aufbliaht. De ukrainische Sproch is olladings domois eha ois Sproch fia wissnschoftliche Sochn heagnumma wuan, und net fia literatistische oda politische Theman. Literatn wia da Gogol haum liawa russisch gschriebm.


Trotz oidem hod da Zar Alexander II. anno 1876 in Bad Ems auf Betreibm vo da zaristischn Zensurbehörde Eihschränkungan und Vabote fia ukrainische Publikationan ausgsprochn (*Emser Erlass*), weu de Aungst fuar ana Obspoitung vo de Ukraina do woa. Auf des hinauf woan bis 1906 wissnschoftliche Publikationan, Lesungan, Ausstöllungan und Konzeate da Zensur untawuafn. Da Taras Schewtschenko (1814–1861), da wichtigste ukrainische Dichta, is zweng seine Textl und Gedichte noch Turkmenistan vabaunnt wuan.



historische Vabreitung (Prozentzoih vo de Sprechta)



Heitige Vabreitung (Prozentzoih vo de Muadasprochla)



Geografische Vabroatung vo da ukrainischn Sproch

In da Karpatoukraine und in da Gegnd vom domolign Kenigreich Ungarn und in da spodan Slowakei hod's im 19. Joarhundert Ausätz fiar a eigane Schriftsproch gebm, de wos zwoar iah Wuazn in de regionäun ukrainischn Mundoat ghobt hod, owa deitlich aundast ois wia de ukrainische Standardsproch woa. Dea Ausautz is in de 80ga Joar vom 20. Joarhudat neich aufkumma, s Eagebnis woa de Kodifiziarung vo da karpato-russinischn Sproch, de wos iah Wuazn im Dialekt vo Zemlin in da Ostslowakei hod. No meah aundast is de jugoslawo-russinische Sproch in da Vojvodina. Zweng Gmoasaumkeitn mid'n Slowakischn kau ma s ois Iwagaungsdialekt zwischn ostslawischa und westslawischa Sprochfamülie seng.

Duach de Grindung vo da ukrainischn Voiksrepublik anno 1918 is Ukrainisch easchtmolig a Stootssproch wuan, des wos aa in da Ukrainischn Sowjetrepublik woa. Unta de Sowjets is Ukrainisch oiso net vabotn gwest, olladings hod's Russische ois Vakeahssproch ois iwalogat, d. h. olle wissnschoftlichn und literarischn Weakln so ois wia de Medien. Zweng dem hod de ukrainische Umgangsproch bis heit an stoakn russischn Eihfluss. Bsundas meakt ma des, waumma in Wuatschotz vo da heitign ukrainischn Umgangsproch mid den vo da stoakn ukrainischn Diaspora in Kanada vagleicht: duatn hod's vü wenicha russische Weata. De „kanadisch-ukrainischn“ Weata vawendt ma in da heitign Ukraine sötn meah, oda se kumman in dera duatign Umgangsproch a weng sötsaum umma.

Duach de Unobhängigkeit vo da Ukraine anno 1991 is de Ukrainische Sproch zur anzichn Aumbstsproch vom neichn Stoot wuan. Es is uandli iwa des gstridn wuan, weu a Groöa Deu vo da Stootsbevökarung ethnische Russn san, und weu's aa vü Leit gibt, de wos si zwoar ois Ukraina fühn, owa nua Russisch kenna. Außadem gibt's aa no a Mischfuam zwischn Russisch und Ukrainisch, in so gnenndn Surschyk, dea wos net vaschriftlich is und seid da Unobhängigkeit zruckgeht.

Zweng dera historischn Gschicht is de Sproch fia vüle Ukraina bis heit a hochpolitische Soch, iwa de oiweu auf's neiche gstriddn wiad. Noch da Unobhängigkeit hod's a Zeid vo ana Ukrainisiarung gebm, owa 2012 is es Russische in 13 vo de 27 Regionan vom Laund auf's Neiche a offiziölle Sproch wuan.

Alphabet

As heitige ukrainische Alphabet mid da wissnschoftlichn Transliteration und da deitschn Transkription:

Groß (HTML- Entity)	Klaa (HTML- Entity)	wissnschoftliche Transliteration	deitsche Transkription
A (A)	a (a)	A a	A a
Б (Б)	б (б)	B b	B b
В (В)	в (в)	V v	W w
Г (Г)	г (г)	H h	H h
Ґ (Ґ)	ґ (ґ)	G g	G g
Д (Д)	д (д)	D d	D d
Е (Е)	е (е)	E e	E e
Є (Є)	є (є)	Je je	Je je
Ж (Ж)	ж (ж)	Ž ž	Sch (Zh) sch (zh)
З (З)	з (з)	Z z	S s
И (И)	и (и)	Y y	Y y
І (І)	і (і)	I i	I i
Ї (Ї)	ї (ї)	Ji ji	Ji ji
Й (Й)	й (й)	J j	J j
К (К)	к (к)	K k	K k (stott ks aa x)
Л (Л)	л (л)	L l	L l
М (М)	м (м)	M m	M m
Н (Н)	н (н)	N n	N n
О (О)	о (о)	O o	O o
П (П)	п (п)	P p	P p
Р (Р)	р (р)	R r	R r
С (С)	с (с)	S s	S s (zwischn Vokale aa ss)
Т (Т)	т (т)	T t	T t
У (У)	у (у)	U u	U u
Ф (Ф)	ф (ф)	F f	F f
Х (Х)	х (х)	Ch ch	Ch ch
Ц (Ц)	ц (ц)	C c	Z z
Ч (Ч)	ч (ч)	Č č	Tsch tsch
Ш (Ш)	ш (ш)	Š š	Sch sch
Щ (Щ)	щ (щ)	Šč šč	Schtsch schtsch (Stsch stsch)

	Ь (Ь)	' bzw. j ¹ (Waachheitszeichen)	(-) bzw. j
Ю (Ю)	ю (ю)	Ju ju	Ju ju
Я (Я)	я (я)	Ja ja	Ja ja
	'	' (Apostroph) ²	(-)

Hiweise:

¹: nua noch Konsonantn; an Großbuchstob gibt's net; palatisiat in vurign Konsonantn; „j“ vuar „o“, sunsta (im Auslaut und vua Konsonantn) „‘“; in da Transkription „j“ vuar „o“, sunsta net auzagt

²: nua zwischn Konsonantn und „j“ + Vokal; in da Transkription noamalaweis ned auzagt

- Schau aa Umschrift vom ukrainischn kyrillischn Alphabet

Wuatschotz und Aussproch

Zweng da rölative spodn Aufspoitung vo de anzlnan slawischn Sprochn aus da gemeinsauman Wuazn Uaslawisch gibt's vü gemeinsauman Wuatschotz in dera Sprochgrubbm, in ziaka zwaa Driddl. Ukrainisch untascheid si vom Wuatschotz, vo da Lautbüdung und vom Sotzbau steaka vom Russisch ois wia vom Weißrussisch. As letztare is aa van Wuatschotz hea aum nachastn zan Ukrainisch (84%), daun kummt Poinisch (70%), Slowakisch (68%) und Russisch (62%)^[2].

Direkt vaglichn mid'n Russischn zagt da J. B. Rudnyckyj (*Lehrbuch der ukrainischen Sprache, Wiesbaden 1964*) unta aundam aa fuigande Lautvaschiabunga auf (is jeweulich easchte Wuat russisch und is zwoate ukrainisch):

- Itavismus: de Vokale e und o wean in gschlossane Sübm zu i
Bsp.: Львов (Lwow) – Львів (Lwiw), кошка (koschka – Kotz) – кішка (kiška)
- Ikavismus: da „jat“-Laut je wead a i
Bsp.: місяць (mjesjaz – Maunat, Mond) – місяць (misjaz'), медь (Mjed' – Kupfa) – мідь (Mid')
- hoate Konsonantn vuam e
Bsp.: весна (vjesná – Frühling) – весна (vesna), перед (pjered – vuar) – перед (pered)
- Vaschmözung vo de oidslawischn Laute i und ы zu u
Bsp.: пиво (pívo – Bia) – пиво (pyvo), нитка (nítka) – нитка (nytka)
- Entwicklung vo g-Laut zu an h
Bsp.: голова (galavá) – Kopf – голова (holova), горло (góro Guagl, Hois) – горло (horlo)
- de Vokalisiarung vo l-Laut, gschriebm в
Bsp.: пил (pil – ea hod drunga) – пив (pyv), брал (bral – ea hod gnumma) – брав (brav), волк (volk – Wuif) – вовк (vovk).

A Beispui fian Untaschied im Wuatschotz is es Verb *heirotn*:

- ukrainisch: одружуватися (fia olle zwaa Geschlechta; Wuatstaumм дружба – Freindschoft, aa дружина - Ehefrau)
- russisch: жениться (fian Mau; Wuatstaumм жена – Frau), выходить замуж (fia'd Frau; weatli: hintan Mau gehn)

Grammatik

Im Ukrainischn gibt's, so wiar in vüle aundare slawische Sprochn, siemb Fölle (відмінки):

- Nominativ (називний відмінок)
- Genitiv (родовий відмінок)
- Dativ (давальний відмінок)
- Akkusativ (знахідний відмінок)
- Instrumentalis (орудний відмінок): waun ma wos mid ana Soch tuat
- Lokativ (місцевий відмінок): zmeist mid Uatsaungobm vabundn
- Vokativ (кличний відмінок): waumma wen auredt

Ba da Flexion vo de Hauptweata hod ma neman Begriff „Deklination“ a no de so gnenndn Deklinationsklassn (відміна), wöchane zsaumman mid'n grammatischn Gschlecht de Flexion bstimman. Außadem hod ma innahoib vo de Deklinationsklassn no waschiedane Grubbm, de wos duach eahnare Endungan (hoat, waach, gmischt) charakterisiad san. A Bsundaheid vo ukrainische Adjektive is de Buidung vo Fuaman, de wos a gfühmäßige Eihstöllung fia Persona oda Gengständ ausdruckn; des kaun in Richtung grässa, klaana, gräwa oda liab sei. So wiad z. B. s Adjektiv „schee“ (гарний) duach de Fuam гарненький quasi „liab“ gmocht, so ois wia beim Diminutiv vo Hauptweata. Aa de Adjektive wean noch eahnare Endungan (hoat oda waach) in zwa Grubbm deut und entsprechand dekliniad.

Genarö hod's im Ukrainischn nua drei Zeidkategorina (Vagaunganheid, Gegnwoat, Zukunft), ollladings spüt de Kategorie vo da „Aktionsoat“ (in da Linguistik „Aspekt“ ghaaßn) a große Roin, so ois wiar in aundare slawische Sprochn. Fiar a jeds Zeidwuat gibt's zwaa Aspekte, und zwoar in voiendetn und in unvoiendetn. In eahnara Grundbedeutung san de Aspektpaarl voikommen gleich. Da Untaschied is in da Daa vo da jeweulichn Haundlung. De imperfekte Verbfuam zagt a ned voiendete und in iahra Zeid net begrenzte Haundlung in da Vagaunganheid, Gegnwoat und Zukunft. De perfekte Verbfuam widarum kummt nua im Präteritum und im Präsens vua, wobei de Fuam im Präsens so wos wiar a grammatische Zukunft auzagt. De Bsundaheid mid de Aspekte im Verb kaun owa no vüle waschiedane Funktionan und Meakmole haum, de wos ma an Ned-Muadasprochla nua schwaamamidtn kau; da wiakliche Untaschied in da Bedeutung kau oft nuar ausn Zusaummanhaung vastaundn wean.

Literatua

- Svetlana Amir-Babenko, Franz Pfliegl, Praktische Kurzgrammatik der ukrainischen Sprache, Buske, Hamburg 2005, 978-3-87548-371-0
- Svetlana Amir-Babenko, Lehrbuch der ukrainischen Sprache, Buske, Hamburg 2007, ISBN 978-3-87548-479-3

Beleg

1. *Ukrainisch*. (<http://www.forost.lmu.de/sprachdatenbank/sprachdatenbank.php?display=Ukrainisch:sprachdaten:verbreitung>) in da Sprochdatnbank vom *Foaschungsvabund Ost- und Sidosteiropa* (forost)
2. Мови Європи: відстані між мовами за словниковим складом (<https://web.archive.org/web/20150501234649/http://langs.com.ua/movy/zapoz/2.htm>).

Im Netz

 **Commons: Ukrainische Sprache** (https://commons.wikimedia.org/wiki/Category:Ukrainian_language) – Sammlung vo Buidl, Videos und Audiodateien

 **Commons: Ukrainische Aussprache** (https://commons.wikimedia.org/wiki/Category:Ukrainian_pronunciation) – Sammlung vo Buidl, Videos und Audiodateien

- [Eintrag zur ukrainischen Sprache in der Enzyklopädie des Europäischen Ostens \(https://web.archive.org/web/20070927011219/http://www.uni-klu.ac.at/eeo/Ukrainisch.pdf\)](https://web.archive.org/web/20070927011219/http://www.uni-klu.ac.at/eeo/Ukrainisch.pdf) (PDF; 425 kB)
- [Ukrainisches Vokabeltraining \(http://www.internetpolyglot.com/german/lessons-uk-de\)](http://www.internetpolyglot.com/german/lessons-uk-de)
- [Online-Wörterbuch englisch-ukrainisch-englisch \(http://cybermova.com/cgi-bin/onlinedic.pl\)](http://cybermova.com/cgi-bin/onlinedic.pl)

Slawische Sprochn

Ostslawisch: [Oidnowgoroda Dialekt †](#) | [Altostslawisch †](#) | [Karpato-Russinisch](#) | [Russisch](#) | [Ruthenisch †](#) | [Ukrainisch](#) | [Weißrussisch](#) | [Westpolessisch](#)

Westslawisch: [Kaschubisch](#) | [Knaanisch †](#) | [Niadasorbisch](#) | [Obasorbisch](#) | [Polabisch †](#) | [Pomoranisch †](#) | [Poinisch](#) | [Slowakisch](#) | [Slowinzisch †](#) | [Tschechisch](#)

Sidslawisch: [Ägäis-Mazedonisch](#) | [Altkirchenslawisch](#) | [Oidkiachaslawisch †](#) | [Banater Bulgarisch](#) | [Bosnisch](#) | [Bulgarisch](#) | [Buagnlaundkrowodisch](#) | [Krowodisch](#) | [Mazedonisch](#) | [Moliseslawisch](#) | [Montenegrinisch](#) | [Serbisch](#) | [Serbokrowodisch](#) | [Slowenisch](#)

Andane: [Jugoslawo-Russinisch](#) | [Kiachaslawisch](#) | [Russenorsk †](#) | [Slawenoserbisch †](#) | [Slovianski](#) | [Slovio](#) | [Urslawisch †](#)

† ausgstoom

Vh „https://bar.wikipedia.org/w/index.php?title=Ukrainische_Sproch&oldid=695281“

De Seitn is zletzt am 28. Juli 2018 um 20:11 gändert worn.

[Abruaufstatistik](#)

Dea Text is unta da Lizenz „Creative Commons Attribution/Share-Alike“ vafigbor; zuasätzliche Bedingunga kennan owendbor sei. Oazlheitn san in de [Nutzungsbedingunga](#) bschriebm.